




2673

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs



Broj: 01-9-02-2-3669/26
Sarajevo, 22.06.2026. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnice Pekić Jelene, dostavlja se;
VEZA: Vaš akt broj: 01-04-24273-35/26 od 12.05.2026. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16, 17/22-Ispravka i 47/24), dostavljamo odgovor na zastupničku inicijativu, koju je u okviru 30. radne sjednice uputila zastupnica Pekić Jelene, a koja je glasila „Inicijativa za uspostavljanje obaveznog nadzora vozača i tehničke ispravnosti autobusa prilikom organizovanja školskih ekskurzija i izleta.“.

Odgovor:

„Uprava policije, Ministarstva unutrašnjih poslova Kantona Sarajevo prilikom organizovanih odlazaka na ekskurzije, izlete, škole u prirodi i druge aktivnosti ostvaruje saradnju sa obrazovnim ustanovama koje u slučaju potrebe odnosno organizovanog prevoza većeg broja učenika dostavljaju obavijesti nadležnim policijskim upravama radi poduzimanja aktivnosti iz njihove nadležnosti. Policijski službenici Uprave policije, Ministarstva unutrašnjih poslova Kantona Sarajevo postupaju u skladu sa odredbama Zakona o osnovama sigurnosti saobraćaja na putevima u BiH i drugim važećim propisima kojima je uređena oblast sigurnosti saobraćaja. U slučajevima kada postoje zakonski osnovi ili razlozi za sumnju da vozač upravlja vozilom pod dejstvom alkohola, opojnih droga ili psihoaktivnih supstanci policijski službenici će poduzeti zakonom propisane mjere. Takođe ukoliko postoje osnovi sumnje u tehničku neispravnost vozila kojim se vrši prijevoz učenika vozilo će biti upućeno na vanredni tehnički pregled, a u slučaju utvrđene tehničke neispravnosti isključeno iz saobraćaja u skladu sa zakonom. Napominjemo da važećim propisima nije propisana obaveza preventivnog alkotestiranja svih vozača autobusa prije svakog organizovanog prijevoza niti obaveza provođenja vanrednog tehničkog pregleda svih vozila koja učestvuju u takvom prevozu. Naime članom 7. Zakona o osnovama sigurnosti saobraćaja na putevima u BiH propisano je da su preduzeća, ustanove, pravna i fizička lica koja posjeduju vozila dužna osigurati da vozači njihovih vozila ispunjavaju propisane zdravstvene i druge uslove za sigurno upravljanje vozilima, kao i da vozila budu tehnički ispravna i opremljena u skladu sa zakonom. Shodno navedenom smatramo da da se ciljevi navedene inicijative u značajnoj mjeri provode kroz primjenu postojećih zakonskih normi kontinuiranim radom policijskih službenika Uprave policije, Ministarstva unutrašnjih poslova Kantona Sarajevo kao i kroz obaveze i odgovornosti drugih subjekata uključenih u organizaciju prijevoza učenika.“.



Adresa: Sarajevo, La Benevolencija 16
Tel: + 387 (0)33 286-701, 286-702,
Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

S poštovanjem,

Prilog:


1. Akt Uprave policije, Ministarstva unutrašnjih poslova Kantona Sarajevo

Broj:02/2-2-188/26 od 03.06.2026. godine;

2. CD x1.



MINISTAR



Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





9707-90-80

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/2-2-|~~28~~/26

Datum: 03.06.2026. godine

MINISTARSTVO UNUTRAŠNJIH POSLOVA

-S e k r e t a r u-

PREDMET: Odgovor na akt Skupštine Kantona Sarajevo – zastupnička inicijativa – dostavlja se

Poštovani,

U vezi sa aktom Skupštine Kantona Sarajevo broj 01-04-24273-35/26 od 12.05.2026. godine, koji se odnosi na zastupničku inicijativu zastupnice u Skupštini Kantona Sarajevo, gospođe Jelene Pekić, kojom se predlaže da svaka obrazovna ustanova bude obavezna da nadležnu policijsku upravu obavijesti o planiranom putovanju najmanje sedam dana prije polaska, kako bi se omogućilo pravovremeno organizovanje provjera koje bi podrazumijevale obavezno alkotestiranje vozača autobusa na dan polaska, provjeru eventualnog prisustva psihoaktivnih supstanci kod vozača i kontrolu tehničke ispravnosti autobusa kojim se vrši prijevoz učenika, obavještavamo vas o sljedećem:

Kada je riječ o sigurnosti učenika osnovnih i srednjih škola na području Kantona Sarajevo prilikom organizovanih odlazaka na ekskurzije, izlete, škole u prirodi i druge aktivnosti, organizacione jedinice Uprave policije Ministarstva unutrašnjih poslova Kantona Sarajevo već ostvaruju saradnju sa obrazovnim ustanovama, koje u slučaju potrebe, odnosno organizovanog prijevoza većeg broja učenika, dostavljaju obavijesti nadležnim policijskim upravama radi poduzimanja aktivnosti iz njihove nadležnosti.

U vezi sa prijedlogom da se na dan polaska obavezno vrši alkotestiranje vozača autobusa, provjera prisustva psihoaktivnih supstanci kod vozača, kao i kontrola tehničke ispravnosti autobusa kojima se vrši prijevoz učenika, ističemo da policijski službenici Uprave policije MUP-a Kantona Sarajevo postupaju u skladu sa odredbama Zakona o osnovama sigurnosti saobraćaja na putevima u Bosni i Hercegovini i drugim važećim propisima kojima je uređena oblast sigurnosti saobraćaja.

U slučajevima kada postoje zakonski osnovi ili razlozi za sumnju da vozač upravlja vozilom pod dejstvom alkohola, opojnih droga ili drugih psihoaktivnih supstanci, policijski službenici će poduzeti zakonom propisane mjere, uključujući alkotestiranje i odgovarajuća testiranja na prisustvo opojnih droga i psihoaktivnih supstanci. Također, ukoliko postoje osnovi sumnje u tehničku neispravnost vozila kojim se vrši prijevoz učenika, vozilo će biti upućeno na vanredni tehnički pregled, a u slučaju utvrđene tehničke neispravnosti isključeno iz saobraćaja, u skladu sa zakonom.

Napominjemo da važećim propisima nije propisana obaveza preventivnog alkotestiranja i testiranja na prisustvo opojnih droga i psihoaktivnih supstanci svih vozača autobusa prije svakog organizovanog prijevoza učenika, niti obaveza provođenja vanrednih tehničkih pregleda svih vozila koja učestvuju u takvom prijevozu. Policijski službenici navedene mjere poduzimaju isključivo u slučajevima i pod uslovima propisanim zakonom, odnosno kada postoje zakonski osnovi za njihovo provođenje.

Također, ukazujemo da je članom 7. Zakona o osnovama sigurnosti saobraćaja na putevima u Bosni i Hercegovini propisano da su preduzeća, ustanove, pravna i fizička lica koja posjeduju vozila dužna osigurati da vozači njihovih vozila ispunjavaju propisane zdravstvene i druge uslove za sigurno upravljanje vozilima, kao i da vozila budu tehnički ispravna i opremljena u skladu sa zakonom.

Policijski službenici Uprave policije kontinuirano provode preventivne i represivne aktivnosti usmjerene na unapređenje sigurnosti svih učesnika u saobraćaju, uključujući i aktivnosti koje se odnose na organizovani prijevoz učenika. U provođenju navedenih aktivnosti poduzimaju se sve mjere i radnje propisane Zakonom o osnovama sigurnosti saobraćaja na putevima u Bosni i Hercegovini, kao i drugim zakonima i podzakonskim propisima, isključivo u okviru zakonom utvrđenih nadležnosti i ovlaštenja.

Smatramo da se ciljevi predmetne inicijative u značajnoj mjeri već ostvaruju kroz primjenu postojećih zakonskih propisa, kontinuiran rad policijskih službenika Uprave policije, kao i kroz obaveze i odgovornosti drugih subjekata uključenih u organizaciju prijevoza učenika. Uprava policije MUP-a Kantona Sarajevo će i u narednom periodu nastaviti intenzivno provoditi preventivne i represivne aktivnosti, te poduzimati sve zakonom propisane mjere i radnje s ciljem zaštite života i imovine građana, unapređenja sigurnosti saobraćaja i osiguranja što većeg nivoa sigurnosti učenika tokom organizovanih putovanja.

S poštovanjem,

